



Broj: 05/7-50-13-102-13/15

Sarajevo, 14.7.2015.

Z A P I S N I K

13. sjednice Vijeća nacionalnih manjina BiH, održane 14.7.2015

Sjednica je počela u 14.10 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, Jakob Finci, Jovanka Manzalović-Šalaka, Silvija Vujović, Nedžad Jusić, Eva Pašić-Juhas, Mladen Radmilović i Todorka Jovanović.

Sjednici, iz opravdanih razloga, nisu prisustvovali: Tijana Vučurević, Dragan Marković, Hakan Varan, Vjeročka Gajić, Marija Grbić, Dejan Piotrovski, Velibor Kuvač i Halil Bicaj.

Sjednici su, također, prisustvovali: Želimir Lalić, predstavnik Ministarstva za ljudska prava i izbjeglice Bosne i Hercegovine, Franjo Rover, predsjedavajući Saveza nacionalnih manjina Republike Srpske, Maja Kremenić, sekretarka Saveza nacionalnih manjina Republike Srpske, Zoran Brkić, Sektor za odnose s javnošću Sekretarijata PSBiH, Branislava Vignjević, stručna savjetnica i Anđelka Dobrilović-Rajak, stručna saradnica u Zajedničkoj komisiji za ljudska prava.

Prije usvajanja dnevnog reda 13. sjednice, članovima Vijeća nacionalnih manjina BiH su se obratili Franjo Rover, predsjedavajući Saveza nacionalnih manjina Republike Srpske i Maja Kremenić, sekretarka Saveza, koji su prisutne upoznali sa aktivnostima i planovima rada Saveza nacionalnih manjina Republike Srpske.

Članovi Vijeća nacionalnih manjina BiH **jednoglasno su** usvojili sljedeći

DNEVNI RED

1. Usvajanje zapisnika 12. sjednice Vijeća nacionalnih manjina BiH;
2. Informacija o sastanku sa ministricom Ministarstva za ljudska prava i izbjeglice BiH;
3. Stanje izrade Izvještaja o ocjeni položaja nacionalnih manjina u BiH;
4. Razmatranje Inicijative za održavanje konferencije sa ciljem definisanja uslova pripadnosti pojedinaca grupi nacionalnih manjina;
5. Razmatranje Inicijative za usvajanje i potpisivanja memoranduma o saradnji sa domaćim i međunarodnim organizacijama;
6. Razno.

Ad.1. Usvajanje Zapisnika 12. sjednice Vijeća nacionalnih manjina BiH

Vijeće nacionalnih manjina BiH **jednoglasno** je usvojilo Zapisnik 12. sjednice.

Ad.2. Informacija o sastanku sa ministricom Ministarstva za ljudska prava i izbjeglice BiH

Predsjedavajući Vijeća nacionalnih manjina BiH Tihomir Knežiček prisutne je upoznao o detaljima sastanka, obavljenog sa ministricom za ljudska prava i izbjeglice BiH Semihom Borovac, pomoćnicom ministrice Salihom Đuderijom i zamjenikom ministrice Predragom Jovićem, te predsjednikom Saveza nacionalnih manjina Republike Srpske Franjom Roverom i sekretarkom Saveza Majom Kremenić.

Na sastanku se govorilo o mogućoj izradi analize primjene Zakona o zaštiti prava pripadnika nacionalnih manjina BiH od strane Ministarstva za ljudska prava i izbjeglice BiH, Strateškoj platformi za rješavanje pitanja nacionalnih manjina u BiH, mogućnostima i načinu finansiranja udruženja nacionalnih manjina u BiH od strane Ministarstva za ljudska prava i izbjeglice, u okviru kojeg postoji budžetska stavka predviđena za finansiranje projekata Ministarstva usmjerenih prema romskoj nacionalnoj manjini. Ministarstvo je spremno podržati i projekte drugih nacionalnih manjina u BiH ali ne raspolaže potrebnim finansijskim sredstvima za to. Razgovaralo se, takođe, i o trenutnom stanju Vijeća nacionalnih manjina Federacije BiH.

Nakon uvodnog izlaganja, predsjedavajući Vijeća nacionalnih manjina BiH Tihomir Knežiček, otvorio je raspravu o ovoj tački dnevnog reda. U raspravi su sudjelovali: Tihomir Knežiček, Želimir Lalić i Nedžad Jusić.

Nakon rasprave, Vijeće nacionalnih manjina BiH, je informaciju primilo k znanju.

Ad.3 Stanje izrade Izvještaja o ocjeni položaja nacionalnih manjina u BiH

Predsjedavajući Vijeća nacionalnih manjina BiH Tihomir Knežiček, otvorio je raspravu o ovoj tački dnevnog reda. U raspravi je sudjelovao Nedžad Jusić.

Nakon rasprave, Vijeće nacionalnih manjina BiH primilo je k znanju informaciju da će zvanična prezentacija navedenog dokumenta biti održana u novembru 2015. godine, te da je član romske nacionalne manjine Nedžad Jusić, ispred udruženja Eurorom, Vijeću nacionalnih manjina BiH poklonio sredstva za finansiranje CIP-a, odnosno registrovanje Izvještaja u Nacionalnu i univerzitetsku biblioteku BiH.

Ad.4. Razmatranje Inicijative za održavanje konferencije sa ciljem definisanja uslova pripadnosti pojedinaca grupi nacionalnih manjina

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Andrija Svatok, Jakob Finci, Mladen Radmilović i Nedžad Jusić.

Nakon rasprave, podržana je inicijativa za održavanje konferencije i izabrani su sljedeći članovi radne grupe: Tihomir Knežiček, Andrija Svatok i Nedžad Jusić, koji će raditi na pripremi ove konferencije u saradnji sa entitetskim Savjetima/Vijećima nacionalnih manjina i Ministarstvo za ljudska prava i izbjeglice, uz logističku pomoć Vijeća Evrope i OSCE-a. Konferencija će imati lokalni i međunarodni karakter a predviđeno je da se održi, najkasnije do maja 2016. godine.

Ad.5. Razmatranje Inicijative za usvajanje i potpisivanja memoranduma o saradnji sa

domaćim i međunarodnim organizacijama

Predsjedavajući Vijeća nacionalnih manjina BiH Tihomir Knežiček, otvorio je raspravu o ovoj tački dnevnog reda. U raspravi su sudjelovali: Tihomir Knežiček, Jakob Finci i Mladen Radmilović.

Nakon provedene rasprave, Vijeće nacionalnih manjina BiH je usvojilo zaključak, kojim se od oba doma Parlamentarne skupštine BiH traži odgovor o tome da li Vijeće nacionalnih manjina BiH, ima ovlaštenje da potpisuje memorandume o saradnji sa domaćim i međunarodnim udruženjima.

Ad.6. Razno

Predsjedavajući Vijeća nacionalnih manjina BiH Tihomir Knežiček, otvorio je raspravu o ovoj tački dnevnog reda. U raspravi je sudjelovala Jovanka Manžalović Šalaka, koja je prisutne izvjestila da je Dom narod, na 5. sjednici održanoj 28.05.2015., usvojio Izvještaj o radu Vijeća nacionalnih manjina BiH za 2014. godinu.

Sjednica Vijeća nacionalnih manjina BiH završena je u 16,10 sati.

Sastavni dio ovog zapisnika je tonski snimak 13. sjednice Vijeća nacionalnih manjina BiH.

Predsjedavajući Vijeća nacionalnih manjina BiH

prof. dr. Tihomir Knežiček